

續修江陵縣志

228553
317403
-12

Kodak Color Control Patches




江陵縣志卷之三十六

人物十

列女 節孝

宋

包拯長子總奉議郎通判潭州蚤卒惟一稚兒妻崔氏
 年少拯意不能守使左右察之崔蓬垢涕泣出見曰
 翁天下名公也婦得齒賤執澣滌之事幸矣敢污家
 乎生為包婦死為包鬼誓無他也其後稚兒亦卒母
 呂自荆來欲奪崔志謂曰喪夫守子子死孰守崔曰



昔之留也非以子爲舅姑故也今舅沒姑老矣忍舍而去乎呂怒以死脅之崔泣曰母遠來義不當使母獨還然到荊州倘以不義見逼必死於尺組之下願以尸還包氏遂偕去母見其誓必死送還包以守節終熙甯閒上其事封永嘉郡君表其門閭總無子拯曾出其媵在母家生子崔密撫其母使謹視之後取歸名曰緹以延包後

廬陽志補錄

明

王善妻杜氏善卒子倫甫二歲姑勸之嫁杜痛哭自誓

姑年八十卒以禮斂葬教子成立苦守四十餘年正

統中旌

沈彥青妻于氏夫卒年二十八家貧養姑撫子守節四

十餘年成化中旌

周通妻翁氏通卒斷髮誓死嘉靖中旌

顏鎮妻劉氏鎮戍廣西卒氏甫二十撫遺腹矢志守

節壽九十卒

鄭實妻高氏實死子女皆夭氏誓守五十餘年卒

生員葉廣妻王氏廣卒無子氏年二十六以死自誓守

江陰縣志 卷之三十六
節四十餘年

蔣伯澳妻高氏伯澳死子甫三歲未幾亦殤氏守節六十二年壽九十卒

生員雷聲妻吳氏聲卒氏年二十遺孤尙幼撫之成立以節終

井通妻曾氏通歿氏年二十矢志不貳壽七十四卒

陳鼎年妻王氏二十而寡家貧無子撫夫從子爲嗣自力以給壽七十八卒

鄭友妻熊氏年二十餘友卒誓死守節奉事舅姑辟纒

課子歷四十餘年

陳芳妻楊氏年二十守節歷六十餘年

禮部主事張敬修妻高氏敬修因文忠被誣追贖自縊死以血書遺氏囑勿死氏得書撫膺大哭投繯求死不得一日忽就婢手奪茶匕刺其目血流被面左目遂枯孤甫五歲撫之成立守節二十七年萬曆辛亥直指以事聞詔旌之

王道妻張氏年二十六道病革子化行生纔彌月氏抱至道前曰兒存與存兒亡與亡道遂瞑氏以磁破面

流血閉一閣非舅姑命不出會其父卒卽閣中爲位
哭語其兄弟曰未亡人不敢歸唁其守禮若此化行
就傅教之甚嚴後爲荆門訓導氏壽九十卒

李灼妻蕭氏撫子堂堂娶吳氏亦卒吳與姑並守終身
賀賢妻楊氏賢卒氏年二十五撫子成立壽六十三卒
劉大章妻張氏年二十五大章卒守節壽七十三卒
蕭紀妾唐氏年二十五而寡遺孤廷誥未及一歲氏誓
守終身壽八十二卒

林榮秀妻周氏年二十三夫亡無子守節撫夫從子爲

嗣壽八十三卒

胡桂妻姜氏年二十夫卒撫子成立享壽七十六

張中炳妻陸氏御史陸師贄女也中炳卽中丞汝濟孫
登賢書早世氏捐綺縠珠璫終身荆布崇禎壬午倉
皇避寇獨奉中丞木主以行維舟旅舍朝夕上食如
事生禮守節二十餘年卒

王紀妻夏氏紀卒氏年二十三事舅姑及祖姑極盡孝
養教子有成御史楊期新以聞詔旌之

祝良賢妻高氏良賢亡孀居五十六年躬績課子君善

領鄉薦官知府事聞得旌

曹達才側室石氏達才卒氏年二十誓死撫其子事嫡
劉氏如家長生時有族人欲圖其孤以利其產者氏
懼以產讓之自紡績以贍朝夕子竟成立壽八十四
卒

陳孔心妻鄭氏父任巫山縣佐年二十三孔心卒遺子
五歲氏事舅姑孝訓子成立守節三十五年終

生員黃孚乾妻周氏年二十九而寡子麗升八歲撫之
成立亦爲諸生崇禎甲申之難流離轉徙艱貞不渝

張天則妾袁氏天則太僕楚城子也女生田家早慧楚
城爲納焉年未三十天則歿遺孤六齡家中落氏督
耕課讀卒復故業諸子皆爲名諸生崇禎己卯旌

劉欽妻蘇氏年二十三夫卒子甦僅週歲守節至八十
歲卒

國朝

廩生管士理妻王氏年二十八夫亡惟一子自幼失明
氏勤苦撫育後六孫皆成立

劉之甲妻張氏夫亡年二十七遺孤芳文甫一週忍死

教育有成姪國昌幼失怙氏撫養婚嫁一如己出苦節三十年卒

以上二人康熙年旌

生員蕭龍光妻雷氏年二十三夫亡子錫祚甫三歲氏忍死守節孝事翁姑嚴課孤子後錫祚領雍正癸卯鄉薦官兩淮鹽大使

邵必成妻魯氏年十九夫亡子甫四月氏奉事舅姑教育孤子年十四補弟子員後與媳復相繼亡遺孫七齡氏撫育成立備嘗艱苦

熊明性妻鄭氏年二十九夫亡翁姑年老四子俱幼氏矢志苦守一女適江姓亦早寡無子攜二女歸同母守節氏壽七十卒

生員雷憬妻張氏年二十四夫亡無子誓以身殉舅姑泣止之乃立夫從子爲嗣苦節四十一年

盧士彥妻文氏年二十九夫亡矢志奉事舅姑教子成立守節以終

生員徐禮年妻劉氏年二十六夫亡遺二子國選攀桂俱幼舅姑相繼沒氏哀毀盡禮備極艱辛後國選領

已酉鄉薦攀桂爲諸生

周應祥妻傅氏年二十六夫亡子僅三月氏奉事舅姑績維撫子以節終

鄢國緯妻聶氏年二十四夫亡子甫晬氏撫之成立舅姑衰老養葬俱竭其力

監生雷象天妻李氏贈中憲大夫李光耀女孝廉雷恂之媳象天亡氏年二十九無子立夫從子爲嗣守節二十四年卒

以上九人雍正年旌

管鐸妻張氏年二十三夫亡事孀姑以孝撫嗣成立

生員劉共祐妻李氏年二十六夫亡撫孤成立

李茂樓妻左氏年二十七夫亡子正芳甫九歲撫教成立有行誼守節五十年卒

張士崑妻徐氏年二十一夫亡孝翁姑撫孤子縞素終身

生員王綿祖妻馬氏明大理卿王曰善孫婦年二十九歲夫亡守節二十六年撫孤作舟等補諸生教督甚嚴

江陰縣志 卷之三十六
張世惺妻廖氏年二十二夫亡奉姑育子矢志不渝

張暲妻李氏年二十四夫亡子甫晬辛勤撫育事孀姑

極誠孝以節終

謝洪祚妻田氏年二十四夫亡子甫三月忍死撫至成

立

文鋒妻張氏年二十一夫亡氏孝姑鞠子守節而終

朱宗孟妻楊氏年二十二夫亡氏紡績以養孀姑撫子

成立

賀禧妻任氏幼而端靜言笑不苟嫁二年夫亡年二十

一力負矢志以鍼縷自給雖至親罕見其面孝事孀

姑撫嗣成立

袁和崇妻彭氏年二十一夫亡遺孤甫八月矢志苦守

卒

李明章妻吳氏年二十九夫亡無子矢志苦節終

萬元士妻許氏年二十七夫亡孝養公姑撫育孤子以

節終

教諭陳銓繼室麥氏側室韓氏麥故世族父良璽仕肅

州等處總兵官年十六歸於陳越六載無子乃請於

海陽縣志 卷之三十六
舅姑納韓爲筵室生一子愛若已出銓卒麥年三十
韓年二十八同矢志撫孤成名

陳光榮妻張氏年二十五夫亡力貧矢節勤紡績自給
殯葬翁姑盡禮撫孤育孫教督成立

韋韜妻王氏年二十二夫亡翁年衰老子如臬甫晬氏
矢志養翁撫子翁卒竭力營葬如臬後補諸生有學
行

生員李靖邦妻樊氏明廣東按察使潛江樊王家女孫
歸靖邦卒樊矢志撫孤康熙辛亥大水室宇漂沒架

閣以居中夜有二賊乘舟突至樊以刀劃面賊驚逸
子嵩娶婦劉氏生三子嵩沒劉年二十四奉姑以守
一日鄰火延及其居劉泣禱神明扶其姑自烈焰中
出竟無恙

武正邦妻劉氏年二十七夫亡姑先逝翁年屆八十氏
孝養倍至義方訓子至死不渝

監生馮澤文妻溫氏年二十八夫亡奉舅姑以孝稱撫
孤成立

貢生葉蔚聞妻李氏年二十八夫亡奉事衰姑克盡婦

道遺孤舒秀方六齡教育成名孫奔崑辛卯解元

貢生袁必昌妻廖氏年二十八夫亡奉嫡庶二姑以孝聞課子以學守節卒

高岷生妻姜氏年二十八夫亡無子氏截髮誓死苦節不渝

生員李天相妻陳氏年二十八夫亡遺孤未及再週撫育成立事舅姑竭力盡孝以節終

雷思武妻張氏年二十九夫亡遺孤早歿撫姪爲嗣力貧苦守卒

許衍澍妻李氏年二十五夫亡二子俱幼氏孝奉翁姑教子成立

許衍匯妻張氏年二十二夫亡子甫一週與長妯相依守節以終

顏汝霖妻李氏子生員光旦妻伍氏李年二十四夫亡遺子光旦後爲諸生娶婦伍氏年二十七光旦復歿姑媳矢節以終

鄭日明妻夏氏年二十八夫亡矢志苦守事翁姑克孝課二子勤學完節以終

黃金堯妻樊氏年二十七夫亡事姑盡孝教子有成以節終

廩生楊宗時妻張氏大治訓導張世燾女竹山訓導楊廷俊子婦年二十四夫亡誓死靡他奉姑鞠子壽六十二卒

蕭相妻毛氏年二十六夫亡撫孤成立

馮鐸妻郭氏年二十八夫亡孝事翁姑課子學洙補弟子員

皮作梅妻段氏年二十九夫亡遺一子撫教成立氏善事舅姑初嫁時姑病氏侍湯藥姑病獲痊保護幼叔

宗黨賢之

陳治訓妻荆氏年二十八夫亡奉事翁姑撫育孤子苦節以終孫綸領乾隆庚子鄉薦

王師亮妻尹氏年二十六夫亡力貧矢志奉公姑維謹撫子成立

王應賢妻胡氏年二十五夫亡子其熾生甫彌月應賢疾篤時出素所服藍布袍授氏曰善藏之對此如面吾也吾親老子幼惟汝是賴異日子能勝衣當以服

父服志父志六言誨之自是氏宵晝紡績市甘脆供堂上而自食粗糲冬月或不綿其勤苦如此舅姑歿加麻衣於所遺袍上令子捧之行奠盡哀其熾自少及長敦厲教誡靡不至後以歲貢任德安府訓導孫處俊辛丑進士任武昌教授處衡庚子經魁

生員鄭家瑛妻毛氏年二十七夫亡遺孕生子永年事翁姑備極孝養後姑亡遺幼子氏亦代為撫育永年學成品立士林稱許齋志以歿

朱恆妻伍氏年二十三夫亡事公姑盡婦道撫子及孫備嘗辛苦

程國昌妻王氏年二十六夫亡事翁以孝鞠子成立劉國信妻張氏年二十三夫亡無子立嗣以延夫祀孝事翁姑嚴課嗣子守節卒

監生毛偉妻李氏年二十五夫亡一子病歿依夫從子以老

楊琨妻張氏年二十二夫亡家貧矢節奉姑以孝聞潘廷諲妻吳氏年二十六夫亡事翁姑育孤子貧能矢志族黨助遺悉卻不受

江陰縣志 卷之三十六
黃甲香妻李氏年二十二夫亡一乳二子生甫三月誓死撫之成立

謝懷山妻程氏年二十五夫亡誓死守節撫育繼嗣

袁敦和妻陳氏年二十五夫亡矢節奉翁孝謹訓子成立

頓傳岱妻雷氏舉人雷恂女年二十一夫亡子生甫七
十日氏力貧矢志勤紡績以供姑膳撫子成立

監生樊峻繼妻劉氏年二十四夫亡矢守撫前妻子恩
義篤至

徐滿魁妻尹氏年二十九夫亡奉姑育子備極艱辛全
節以終

蔣珍妻沈氏弟璫妻孫氏子世培妻周氏沈年二十九
夫亡無子孫年二十六生子世培而寡矢志守節娶
婦周氏年二十二世培又歿兩世三節里鄙稱之

黃廷楷妻潘氏年二十一夫亡無子誓死堅操至十年
後立夫從兄次子爲嗣苦節三十一年

甘廷珍妻周氏年二十一夫亡無嗣奉舅姑孝養備至
完節以終

馬次旦妻帥氏年二十四夫亡遺二子紡績奉姑撫孤成立

舉人嚴克熾妻李氏年二十九夫亡子歿奉兩世孀姑撫從孫爲嗣孫守節卒

嚴克燾妻王氏年二十四夫亡遺一子姒李亦寡相與同志堅守皆以孝慈著聲

生員陳世謨妻高氏年二十六夫亡矢志孀守奉翁姑稱孝授二子經克繼父業

生員陳壽山妻李氏子朝楫妻馬氏婦姑皆青年而寡一門雙節爲閭儻稱譽

陳國偉妻李氏年二十七夫亡奉姑育子守節卒

周刪妻王氏年二十五夫亡撫從子爲嗣後翁姑亡鬻匭田以治喪事

嚴克睿妻李氏刑部郎中李天植女年二十四夫亡遺孤未晬撫教成立奉翁孝養備至完節以終

胡日鼎妻劉氏雅州知州劉啟和女孫年二十六夫亡事孀姑韋撫二歲孤仰光不辭艱辛矢志以終

楊琪妻刁氏生員刁戩女竹山訓導楊廷俊子婦年二

十三夫亡無子姑年九十餘刁孝養備至苦節三十年

張綬隆妻李氏年二十五夫亡事孀姑育孤子備歷艱苦

朱儼鑰妻陳氏年二十五夫亡孝事舅姑安貧鞠子苦節五十二年卒

劉文燿妻李氏年十九夫故苦節四十九載端坐而逝舒秀妻黃氏年二十九守義撫子逾七十卒

傅克堯妻張氏年二十三夫亡孝親撫子守節三十餘

載

蔡祚鑑妻曹氏年二十一夫亡苦節五十年

皮作楫妻向氏年二十八夫亡撫子正國娶蕭氏而正國亡遺腹生子鞠之成立

王以佺妻嚴氏子定周妻袁氏嚴年二十夫亡撫子定周蚤死媳袁氏無出以再從子嗣婦姑同節皆堅守

至老

金玉燦妻呂氏年二十一夫亡無子依伯舅姑姑沒氏
黽勉家計奉伯舅惟謹撫幼叔成立後立從子爲嗣

江陰縣志 卷之三十六
鄧邦彥妻潘氏年二十一夫亡撫孤成立事舅姑以孝
聞勤儉操持至老不倦

朱祖燹妻陳氏年二十三夫故守義壽七十五卒
生員朱朗妻吳氏年十八夫故矢志年五十餘卒

李宗玉妻劉氏年二十一夫亡氏矢志苦守家赤貧奉
翁姑備極孝養鞠撫二子成立

劉廷棟妻艾氏年十九夫亡敬翁姑教嗣子守節以終
魏國椿妻帥氏年二十三夫亡守節壽六十四卒

張如嶺妻田氏年二十九夫亡勤儉持家教子維植成
貢生守節七十四卒

廖榮妻韓氏年十九夫亡守節五十餘年
張琳妻李氏年二十一夫亡守節三十餘年

王商英妻宋氏年二十一夫亡誓志自守舅老姑沒奉
事維謹後庶姑何氏生子心培氏飲食教誨較生母
尤勤

監生謝昌明妻陳氏夫故守節卒年五十五歲

王士鳳妻劉氏年二十五夫亡守節三十四年

張愷妻李氏年二十夫亡撫子完璋爲郡諸生又亡撫

孫成立

張元度妻賀氏年十八夫亡守節三十五年

葉高妻陳氏年二十二高卒無子撫從子爲嗣苦節不
渝

王之榮妻朱氏二十八歲夫亡後年例相符得邀旌
表其孫女適生員艾友蘭割股療姑疾有司給匾獎
之

監生雷鳴鸞妻沈氏夫亡誓志守節孝養姑嫜撫子成
名蜚聲庠序

以上乾隆年旌

江世良妻徐氏夫亡氏年二十撫遺孤苦節五十餘年
王士英妻朱氏年二十一夫亡無子撫夫從子爲嗣教
育備至守節三十年卒

朱昶妻陳氏年二十五夫亡割股療姑疾撫二子俱成
立守節五十年卒

生員張嘉勅妻陳氏年二十五夫亡奉姑以孝鞠子成
立守節四十年卒

潘文汎妻陳氏年十八適潘甫七月文汎歿氏誓死堅

操閱四月遺腹生子撫育成立奉姑備極誠孝姑病
刲股療之壽六十二卒

李永芳繼妻馮氏夫亡撫前妻子視如己出守節三十
年卒

楊尚諲妻張氏年二十七夫亡遺一子事舅姑以孝聞
守節四十七年卒

艾觀國妻劉氏早寡事翁姑以孝翁嘗病因氏禱於神
割股淪湯以進遂瘳

生員汪峽妻管氏年二十七夫亡守節四十七年

陳士章妻熊氏舉人熊秉孝之女年十九夫亡守節五
十年

黃應運妻吳氏年二十九夫亡守節三十六年

生員汪巘妻陳氏年二十三夫亡守節三十七年

鄒文鸞妻張氏年二十歸鄒無出氏勸夫納妾蔡氏期
年生子未週夫亡氏年二十五妾年二十一矢志共
守子拾遺金氏令訪失金者返之族有侵氏田者氏
不與較後其人感悟盡返所侵之田

陳學藩妻程氏年二十五夫亡無子以夫弟邑庠生學

溥次子楚瑛爲嗣後溥亦亡氏與溥妻謝氏共守教
子成名

胡如珍妻黃氏年二十五夫亡撫子自動成立後勳年
二十四亦亡遺二孫媳蕭氏亦矢志守貞

譚清翰妻樊氏年二十七夫亡事姑撫子姑目瞽氏誠
心禱祝姑目復明子病夜夢長鬚人以丸一粒食之
兒旋瘳人以爲異感壽七十二卒

唐鍾媚妻殷氏年十八夫亡撫半歲孤誓志守節壽六
十四卒

嚴一德妻尤氏年二十歸嚴五年無子勸夫納妾熊氏
生子夫亡誓志同守越二年子亦歿立從子爲嗣

楊聖述妻馮氏年二十二夫亡子亦歿立姪爲嗣

生員熊顯烈妻嚴氏年二十四夫亡氏矢志撫孤乃智
成名兼撫夫弟成立娶宋氏後夫弟亡無子氏代爲
立嗣與宋氏共守

監生吳聯登妻馮氏年二十三夫亡無子矢志撫幼叔
聯輝後叔生子立爲已嗣

庠生嚴開垝妻張氏生二子妾生一子年二十四夫亡

汝陽縣志 卷之三十六
氏誓志守節撫子先柱成名以次子繼二房後末子繼五房後一門禮祀俱賴以不墜

鄒陽升妻蕭氏年十七將歸鄒適夫患痰病不解人事舅請替盟氏誓以死守遂歸焉侍疾八年夫亡撫從子敬熙爲嗣熙生母胡氏亦寡娣姒相守撫子成名備歷艱苦

李成妻王氏年二十五夫亡撫子嗣宗成立旋歿媳謝氏無出亦矢志守貞立從子爲嗣

鄧偉妻嚴氏子希元妻萬氏嚴年二十六而寡萬年二十亦寡生子而歿家貧共守以終

沈華祚妻鄭氏弟華祀妻侯氏鄭年十七夫亡侯年十八夫亦亡娣姒共守

朱自茂妻張氏年十八夫亡無子矢志守節撫從子盛忠爲嗣盛忠生父自進亦亡妻張氏與氏共守一子成立

詹起鍾妻王氏年二十一夫亡生遺腹子旋夭氏矢志柏舟

秦宗禹繼妻張氏年二十一夫亡孝養老姑教子成名

守節三十年

任士佩妻秦氏年二十二夫亡僅一女矢志完節撫嗣事姑以孝聞姑病疫氏夜禱至叩頭流血姑病得痊李士訓妻柳氏年三十夫亡與妾鄭氏守節僕婦劉氏亦早寡三人矢志堅貞一燈對績清苦異常

生員傅作霖妻黃氏年二十五夫亡守節撫子後子復亡與媳彭氏共撫幼孫

劉克謹妻陳氏年二十二夫亡節儉苦守子拾金於道氏命立俟其人而返之不得乃以買祭田苦節四十

五載卒

王逢讓妻張氏年十九夫亡三月遺腹生子矢志撫孤翁姑病噎氏百計祈禱旋愈鄉里稱爲孝感

鄒國毓妻崔氏年二十三夫亡家極貧且瞽賃屋以居摸索紡績撫子成立

生員左珥妻程氏年二十四夫亡撫子後子亦歿婦隗氏同志守貞

歐陽文煥妻姚氏年二十三夫亡矢志苦守教育子晉氏艱辛百出以資膏火後子食廩餼

沈嘉魁妻楊氏年二十五夫亡家貧子瑁甫六歲忽有客遠來爲指葬地於祖塋隙處後氏家業漸充子能力行善事里人稱異

丁璫妻李氏年二十三夫亡時祖姑年老姑失明氏孝養盡禮子文耀甫一歲從子文煥甫三歲而孤氏兼撫成名

沈朝辰妻郭氏年二十夫亡立長房次子爲嗣五年歿復立長房三子撫育成立又亡媳熊氏無出更立三房次子爲氏子立長房次孫爲熊氏子教育倍至苦

節四十四年

歐陽文雋妻邵氏年二十二夫亡殯柩中庭忽遭火變已及簷桷氏號泣柩旁願與俱焚倏爾風反火滅繼姑王遇氏少恩氏委曲承順姑感悟卒善遇之守節三十二載

紀正學妻夏氏年二十一夫亡無子立從子爲嗣

徐天佑妻孫氏年二十三夫亡生遺腹子佶氏矢志守義事兩世孀姑備極孝養

關天眷妻易氏年二十三夫亡子士毅甫七月翁以家

貧子歿入蜀氏就食母家撫姪與子俱成立姪旋歿命子覓翁歸翁享壽九十七皆氏娛侍之力也

劉國僖妻胡氏年二十四夫亡撫子大年成立授室連舉二孫不三十而大年又夭氏復撫孫以終

孫幼習妻李氏年二十四夫亡子廷蘭甫二歲女數月氏一以撫孤爲任壽七十九而沒其女幼字蕭方甯卽贅於家女年二十三甯亡僅生一女氏矢志守節傅舒泰妻張氏弟身泰妻關氏張年二十五夫亡遺子二關年二十歸傅月餘夫亡立舒泰次子爲嗣旋天

娣姒共撫一子以至沒齒

監生徐大運妻劉氏年二十夫亡生子光書復天遺孤仰齡與媳趙氏茹苦同撫成立

余宅安妻鄧氏年二十四夫亡一子旋天紡績養姑乾隆二十八年冬姑病篤祇侍湯藥適鄰居火氏抱姑出泣禱及時風回火息宅獨存姑亦驚喜病愈里鄙稱之

監生姚惇培妻張氏年二十五夫亡舅姑早逝二子亦夭疊遭火災艱貞無改

司光俊妻張氏年十九夫亡矢志守節嘗讀書識義理事舅姑孝謹撫子恩義兼盡

生員沈映斗妻李氏年二十夫亡無子守節二十六年卒

歐陽珍妻高氏年二十三夫亡苦節五十載

胡嶠祖妻徐氏年二十七夫亡三月生遺腹子之俊教

育成立苦節四十三載

歐陽汰妻張氏年二十二夫亡苦節四十載

陶正紹妻樊氏年二十二夫亡生子煥甫八月氏矢志

撫孤苦節五十七載

貢生王克纘妻徐氏年十九生子承訓半月夫亡守節茹素撫子成立壽近七十卒

顏作卿妻譙氏年二十四夫亡撫子光甲成立後光甲亦亡無子命媳胡氏撫姪以存先祀

黃遵憲妻董氏年二十四夫亡撫孤成立守節四十一年卒

李顯唐妻侯氏年二十六夫亡子幼氏矢志守義事舅姑維謹

王士瑞妻陳氏年二十七夫亡遺子二敦化萬春氏延師勤課俱成名姑病篤宅後火誓死衛姑火亦旋滅苦節五十七載

鄒永浩妻劉氏年二十二夫亡撫子成名苦節五十五載

王三昇妻曹氏年二十三夫亡苦志守節

王世章妻鄭氏年二十七夫亡撫子錦元成立苦節五十載

張國選妻劉氏年二十三夫亡子天事孀姑克孝年五十六卒

王熙潭妻李氏年二十四夫故子培元僅八月氏處貧苦節孝兩全

魏國林妻蕭氏年二十九夫亡守節終身

雙國淮妻易氏年二十夫亡遺腹生子家貧守節歷三十二載卒

監生齊勤燮妻胡氏年二十八夫亡矢志苦守年七十四卒

周文輝妻張氏年二十九夫亡守節三十餘年

顏世道妻王氏年二十六夫亡無子苦節三十八載
帥思權妻王氏年二十五夫亡守節堅貞

黃誠妻劉氏年二十一適黃甫七月夫亡氏矢志撫遺
腹子成立

顏方起妻朱氏年二十五夫亡撫子世濟成立入成均
莫文富妻張氏年二十七夫亡遺子甫三歲氏苦守撫
子成立

姚元棖妻傅氏年二十三夫亡撫子成名

李顯禎妻黃氏年二十二夫亡子祖蓮甫數月氏事孀
姑維謹苦節二十七年卒

魯國英妻黃氏年十九夫亡子三月氏茹檠苦守備歷
艱辛

歐陽華妻侯氏年二十二夫亡守節三十三載

劉自琢妻樊氏年二十二夫亡撫子成立苦節三十三
年

劉平任妻齊氏年二十二夫亡苦節三十三載

徐文元妻陳氏年二十三夫亡生子甫一歲氏矢志守
節

呂對揚妻王氏年二十七夫亡孝事舅姑鞠育孤子讀書有成苦節三十二載

雷智高妻劉氏年二十三夫亡苦節三十餘載
楊大憲妻唐氏年二十七夫亡苦節三十餘載

趙夢筆妻李氏年二十七夫亡家貧無依就食母家撫子成立年四十三卒

李宜明妻饒氏年二十八夫亡孝事翁姑教子鈺成名
雷國柱妻張氏年二十六夫亡苦節四十餘年

監生陳正榮妻朱氏年二十九夫亡家貧苦守事姑孝
謹教子成立

庠生黃昌琮妻朱氏年二十九夫亡矢志守節家貧教子紡績以助膏火

陳德普妻趙氏年二十五夫亡孝事孀姑養葬俱誠督課兒孫嚴慈并用壽九十三卒

張輝鈺妻秦氏年二十六夫亡孝事翁姑教育幼子衣食有餘卽喜周貧乏

監生胡仰泰妻蔡氏年二十一夫亡孝養孀姑教子成名每遇歲歉輒損食濟貧乏

熊廷宣妻許氏年二十八夫亡孝事翁姑教子成名

吳作材妻張氏年二十四夫亡奉養翁姑撫孤成立守節四十九載

監生顏光甲妻胡氏年二十八夫亡立從子爲嗣捐陸田二畝爲義塚又捐塋基一畝作公祖祠基

崔永圖妻吳氏年二十六夫亡家貧姑老生子鋒僅數月氏盡孝養撫子成立

監生胡文信妻孫氏年二十六夫亡矢志守節舅沒姑矐氏以泣姑亦矐

饒文江妻敖氏年二十夫亡子景峰甫三月氏霜操自矢事翁姑維謹撫子成名苦節三十載

李彬元妻魯氏年二十六夫亡時囑氏孝養公姑撫教三子后一如其言年五十一卒

監生張灝妻朱氏年二十三夫亡子甫三歲撫之成立壽七十六卒

張竹君妻章氏年二十五夫亡孝事舅姑撫遺腹子成立守節三十六載

李向宸妻王氏年二十六夫亡撫子成立敬事翁姑生

養死葬艱難備禮守節五十六載

詹士貴妻陳氏年十九夫亡守節撫子玉田入縣庠旋夫氏與孀媳羅氏形影相依紡績度日

劉光德妻詹氏光憲妻李氏萬甯妻吳氏詹年二十六守節李年二十五守節吳年二十五守節一門三寡皆無子誓死靡它同居同志聞者憐之

黃學俊妻李氏年二十一適黃甫四月夫亡矢志守義立姪緒榮爲嗣

張秉升妻李氏年二十夫亡無子舅姑老氏甘心苦守孝養無缺

張汝翼妻雷氏年二十三夫亡子甫晬雷矢志完貞素識詩書子能言教以字句紡績聲與誦讀聲相和恆至午夜云

陳時泰妻周氏年十八歸陳夫已染疾偕伉儷者僅三日氏侍奉維謹期年生子棟夫亡氏矢志守節姑瘋疾兩稔克盡孝養教子成立

生員段觀光妻張氏年二十四夫亡矢志守義克盡孝養撫子成立

段一榮妻劉氏年二十一夫亡無出撫姪承繼孝事孀姑姑病篤禱以身代病旋愈苦節七十三年卒

州判李自洲妻賀氏年二十七夫亡守節越十年子從九良楞亦故同媳張氏苦守課孫

馬湘妻高氏子芝檀妻王氏高年二十七夫亡壬年二十五亦寡兩世矢志不渝

舉人顏式敷妻張氏年二十五夫亡守節撫子事舅姑以孝聞

郭上佐妻舒氏子柱妻吳氏舒年二十八夫故吳年二十三亦寡兩世孤孀矢志不渝

生員何若玉妻李氏年二十二夫亡守節四十六年卒嘗割股療姑疾云

鄒成舉妻劉氏年十九夫夭折遺腹一子矢志守節事翁姑撫獨子備經勤苦

熊光旬妻秦氏年二十四守志孝親撫孤勤力自給苦節三十八載

歐陽志仁妻王氏年二十夫亡孝事公姑撫子宗亮完婚而天媳汪氏年二十八並志苦節撫姪孫爲嗣孫

江陰縣志 卷之三十六
監生饒士璋妻徐氏年二十五夫故矢志冰霜備歷勤苦

張紹銘妻夏氏年二十四夫歿投繯欲以身殉家人救甦無子撫嗣得乃姑心操作苦辛以養以教勵志四十七年

黃光素妻徐氏年三十夫亡徐守節不渝撫三子成立長子士珩順治辛卯舉人

蕭汝六妻楊氏汝六早死楊年二十僅一女女死依母母死無所依飢寒艱苦至死不易其志

張文明妻周氏文明早死周誓以死守姑八十生事死葬俱竭其力妾譚氏王氏俱少王以死殉夫一慟而絕遺孤恪尚在襁褓周視如己出順治辛卯舉於鄉譚惟一女與周同以節終

楊世燾子婦年二十九夫亡無子守節二十八載卒年五十七

王塹妻鄒氏年二十七夫亡子錫祚娶蔡氏一年錫祚沒蔡氏年十九遺孕甫三月姑婦同守辛苦萬狀鄒年八十蔡壽六十九卒

胡暹妻宋氏年二十四夫亡無子矢節事姑壽七十六
卒

貢生管開濂妻朱氏年二十八夫亡無子撫一女相依
守節三十一年卒

武宗泗妻周氏年二十五夫病刲股以進既寡無子賣
簪珥以奉舅氏壽八十五卒

龔璵妻王氏年二十四夫亡鞠子及孫守節五十五年
卒

龔培妻朱氏年二十六夫亡遺一子撫教成立旁及孤
姪孫保郵備至守節四十七年卒

余愷妻毛氏年十八適愷生子世德愷卒氏年二十三
撫育孤兒奉事舅姑舅姑卒子復亡氏惇惇子立遂
依其夫從子進士芳以老

生員熊堪妻周氏年二十九夫亡耕耘紡績孝事公姑
教子成立壽六十三卒

張文瑛妻易氏年二十七夫亡孝奉舅姑約飭子女咸
有法度壽八十三卒

萬士杰妻賀氏年二十六士杰遠沒於蜀氏赤貧苦節

撫二子未幾二子相繼歿氏孑然一身依其弟以終
歷節三十六年

任之倫妻黃氏年二十一夫亡遺孤子珩甫三齡後娶
婦劉氏一年珩復沒劉年二十與姑同守艱苦備嘗
廩生李作益妻郭氏鞏昌知府潛江郭之祐女孫年二
十七夫亡事公姑以孝聞守節二十七年卒

仲城保妻陳氏城保遠沒於外氏年二十八無子家貧
依弟以居既而弟亡弟婦去室氏孑然一身死守不
渝壽七十三卒

劉芳妻李氏年二十七夫亡哭泣損一目撫孤成立奉
姑數十年姑沒越二日氏亦沒壽六十二

生員劉定遠妻李氏定遠遊京師以疾卒氏年二十六
貧甚二子俱幼未幾復先後歿氏熒熒一身棲敗屋
中不蔽風雨紡績度日苦節三十餘年卒

龔士元妻楊氏年二十二夫亡家貧事姑育子守節五
十二年卒

贈中憲大夫李光耀妻王氏在室事父母以孝聞年二
十五夫亡撫教二子慈嚴並至雍正癸卯子毓璉成

進士筮仕迎養官署教厲猶昔歷節四十五年卒
封恭人

教諭李嗣賀繼室向氏側室楊氏向年二十八楊年二十六而寡俱無子有賢行撫前妻子成立後二十年向卒楊卒壽六十七

羅朝植妻譚氏年二十七夫亡力貧矢志鞠子成立守節三十年卒

許霖妻喬氏年二十五夫亡家貧子幼孝事公姑守節三十四年卒

汪長齡妻胡氏年二十一夫亡長子選琮妻邵氏年二十二選琮沒遺二子姑媳同矢志不渝胡氏苦節五十年年七十卒邵年五十二卒

徐上閱妻吳氏側室楊氏吳年二十九夫亡無子楊時年二十一舉一子嫡妾同守楊年五十一先卒吳壽六十餘

歐陽曩妻張氏年二十五夫亡子婦趙亦早寡俱以節著張壽八十一卒

歐陽維立妻趙氏年二十七夫亡守節以終

鍾道妻羅氏年二十七夫亡守節終

艾振麟妻劉氏年二十七夫亡以節終

伍士銘妻胡氏年二十六夫亡全節卒

全琮妻秦氏年二十五夫亡守節終

余佩斯妻羅氏年二十七夫亡守節卒

簡之鳳妻黃氏年二十二夫亡守節卒

劉逢年妻張氏年二十三夫亡以節終

許廷傑妻易氏年二十二夫亡苦節以終

王庭妻程氏年二十七夫亡守節終

劉國愷妻楊氏年二十二夫亡守節以終

高天鐸妻舒氏年二十三夫亡守節終

高之明妻鄭氏年二十三夫亡守節以終

李國楨妻朱氏年二十夫亡完節以卒

鄧琅妻禹氏年二十四夫亡完節以卒

鄧應奇妻曾氏年二十八夫亡守節終

生員祁瀚妻李氏年二十五夫亡守節以終

蔡紹文妻李氏年十八夫亡守節終

李九質妻李氏年二十三夫亡守節終

張如岱妻戴氏年二十八夫亡守節以終

鄭紹宗妻吳氏年二十七夫亡守節以終

晉琇妻朱氏年二十五夫亡守節終

監生李文彬妻易氏年二十三夫亡矢志柏舟守節以終

張純緒妻劉氏年二十夫亡守節終

徐應齡妻周氏年二十四夫亡守節以終

楊必發妻魏氏保康教諭魏元升女年二十六夫亡守節以終

李體仁妻伍氏年二十六夫亡守節終

管作謀妻胡氏年二十五夫亡完節以卒

楊兆瑄妻王氏年二十二夫亡全節終

徐塏妻趙氏年二十一夫亡守節以卒

劉仲遜妻吳氏年二十五夫亡無子惟一女苦節終身

鄧文林妻竺氏年二十三夫亡守節終

李德盛妻任氏年十九夫亡全節以終

雷槐堂妻劉氏年十九夫亡苦節終身

李如松妻黃氏年十九夫亡守節以卒

李如楷妻史氏年二十四夫亡守節紡績成家至九十
一歲訓子課孫撫育曾孫猶勤女工針黹

黃大儒妻丁氏年二十三夫亡守節終

李宏輝妻孫氏年二十四夫亡守節終

程世俊妻張氏年二十二夫亡守節終身

周德傳妻孫氏年二十夫亡守節以卒

艾士瑒妻張氏年二十夫亡守節以終

徐正遠妻熊氏年二十夫亡守節以終

劉三鑑妻姚氏年二十五夫亡守節終

袁敦愷妻王民生員王國佐女年二十夫亡守節終身

刑部郎中李天植有傳

劉繼泗妻陳氏年二十四夫亡守節終

監生徐鳳階妻李氏年二十一夫亡全節終身至死不

渝

魏國祥妻陳氏年二十一夫亡守節以終

劉宏志妻殷氏年二十一夫亡守節以卒

蕭馥蔚妻吳氏年二十夫亡守節以卒

劉璨妻徐氏年二十四夫亡守節終

陳錯妻胡氏年三十夫亡守節以終

楊膺時妻胡氏年二十二夫亡守節以終

洪趙茂妻徐氏年二十二夫亡守節以終

高文訓妻夏氏年十九夫亡守節以終

廩生張傳薪妻馮氏年二十二夫亡守節終身堅操不

渝

張嘉睿妻曹氏年二十六夫亡孤子復歿撫嗣子守節

五十二年卒

賀聖宗妻史氏年二十四夫亡家貧矢志撫孤成立守

節四十四年卒

許震妻孫氏年二十一夫亡遺孤五月誓死不渝撫子

成立守節四十二年卒

謝賜妻萬氏年二十四賜亡守節四十二年卒

唐際盛妻李氏年二十二夫亡善事公姑辛勤育子守

節二十一年卒

監生許霽妻朱氏年二十七夫歿撫三歲孤艱苦不移

守節三十年卒

王紱妻馬氏年二十七夫亡守節三十年卒

毛傑妻陳氏年二十二夫亡撫嗣子守節三十七年卒
陳嘉謨妻周氏年二十八夫沒守節十六年卒
劉瑁妻唐氏年二十四夫亡守節二十七年卒
潘廷秀妻魯氏年二十五夫亡守節三十九年
瞿長齡妻許氏年二十一夫歿苦節四十餘年
王承槐妻張氏年二十夫亡守節二十五年
李世榮妻萬氏年十九夫亡守節三十五年
生員劉晟妻李氏年二十六夫亡守節二十七年
萬中榮妻張氏年二十二夫亡守節二十九年

蔡國珍妻艾氏年二十八育一子側室張氏年二十一
無出珍疾篤遺言張方青年宜他適夫亡服闋有述
之者張輒欲自盡卒與正室艾矢志撫子成立以節
終

劉瑚妻呂氏年二十二夫亡守節二十六年
張懷瑾妻王氏年十九夫亡守節三十一年
監生黃堂妻殷氏年十八夫亡守節三十一年
賀勝祖妻王氏年二十五夫亡守節二十四年
張裕九妻王氏年二十二夫亡守節遺腹生子功吉翁

姑早逝赤貧無依母家亦寡父母勸之曰爾豐年或可自給凶荒若何氏曰已拌一死不怨親也我命不辰再嫁安保不寡况貧富皆有一死何用徒喪素守爲曰汝子嬰弱詎可恃氏曰婦人守節守夫非守子也兒成立與否聽之而已子卒成立且生孫

李貴義妻徐氏貴禮妻劉氏貴智妻劉氏娣姒皆青年矢志一門三寡無嗣可依食貧堅守毫無怨悔

徐文鳳妻張氏年二十七夫亡守節撫一子天立姪道興爲嗣清苦異常母家稍豐終歲僅一往二三日輒

歸有餽送可供舅姑則受餘必堅卻謂富厚逸樂非吾命不可更干天譴

生員汪鍾華妻李氏年二十四夫亡氏祖姑胡氏姑邵氏俱苦節氏亦死守一子旣婚歿媳萬氏復誓死與氏依雖譜系盡絕四代貞操里鄙稱之

陳文英妻袁氏婚未一年夫亡遺腹生男艱辛撫之有戚豪啗公姑謀爲妾氏訴鄉鄰罰之又富人賄兄約爲妻氏訟於官與兄家絕往還竭力營葬公姑里鄙高其節釀金爲子完婚旋歿氏以悲傷卒

張鉞妻秦氏年二十八夫亡子幼氏矢志守貞夜紡績日擔水得錢以奉孀姑姑卒子繼亡媳去室遺一孫氏兄憫其無依迎歸就養氏泣守姑靈不忍去託孫於兄獨居持喪事死如生旣釋服乃曰吾事畢矣歸兄家壽六十四卒

張正然妻王氏年二十四夫亡無子撫從子爲嗣孀姑年七十遭回祿氏抱姑出姑無恙自傷其面累月乃愈里人憐之

傅來泰妻張氏自二十歸傅夫已邁弱疾氏委曲侍調不簪珥者四載二十五夫亡立長房子爲嗣苦節五十五歲卒

李徐氏年二十三夫亡家貧子幼常寄食於其兄兄與子相繼而亡氏艱苦異常壽八十餘卒

余調元妻文氏年二十夫亡撫從子爲嗣

張五中妻王氏年二十五夫亡家貧舅姑年皆八十氏色養無違遇荒歲茹糠粃率家人紡績以終孝養孫之曙庚午舉於鄉

姚士廉妻寇氏幼通翰墨年二十六夫亡二子俱幼童

僕榮芝茂芝商販以養氏卷帙不釋手教子嚴謹守禮宅幽僻嘗有白馬嘶其園氏作文祭之僕時蔬挾藏得銀其上鏤里人姓名氏曰非吾財也取之不義訪其人盡予之年老家愈窘晏如也年近九十卒氏次子早亡媳鍾氏二十四與姑依餽粥不繼屋敝難庇風雨守志彌堅年六十餘卒

魯必佐妻何氏必相妻李氏何年十九夫亡遺一子李年二十夫亡無子娣姒共撫一子成立

鄭士科妻文氏年二十五夫亡無子姑病氏刲股進姑守節二十六年

李永泰妻萬氏年十七夫亡遺腹生子撫之成人

郭逢元妻程氏年二十夫亡無子撫從子爲嗣

謝承謙妻范氏年二十六夫亡遺子甫三歲姑以家貧欲奪其志氏截髮誓死撫子成立享壽六十七歲

王邦璞妻全氏年二十三夫亡遺一子氏立志苦守日紡績以事舊姑終歲勤勞憂鬱成瞽

嚴克柔妻張氏年二十七夫亡子歲餘家無立錐躬紡績爲生子得成人娶婦矣未幾俱亡族人無可繼者

張志益堅後父母家亦絕嗣遺田數畝欲與女女固辭不受曰畱以給爲吾父後者里人義之

嚴開徙妻李氏年二十夫亡無出翁欲奪其志李投水以救免乃以從子嗣

侯祚榮妻張氏年二十六夫亡子三齡荒歲則乞食哺姑衰親弱子賴以存活

雷萬才妻熊氏年二十夫亡子旋歿父母欲嫁之勢面誓死竟得完節

施國瑚妻張氏年二十夫亡無出以從子爲嗣越二年嗣子生父母亦亡張爲撫其孤嗣子娶後生子女各

一未幾夫婦俱夭張又撫孤艱辛逮於垂白

侯祚遠妻黎氏年二十三夫亡族議置後不果黎終不易其志

嚴一鼎妻皮氏年二十夫亡立從子爲嗣苦節五十年卒

嚴開甲妻朱氏年十八夫亡撫子完節

李敦仁妻嚴氏年二十七夫亡撫子成立後子天媳王氏亦矢志守貞

敖某妻李氏幼許聘長而壻病癡壻父母難之聽女家
別議婚女不可乃歸之事夫情敬不衰饑渴寒暑無
刻不經心凡十年而寡翁姑憐而欲嫁之李以死自
誓乃止

趙廷弼妻徐氏乾隆五年弼從戎湖南與徐生別以三
歲兒爲囑後病死軍中徐年甫二十四紡績苦守白
首無改

唐榮祚妻朱氏年二十一夫亡撫姪爲兒紡績養姑教
子成立年二十卒

邑庠生劉萬年妻李氏年二十五夫亡遺子三氏矢志
守姑素識詩書每與談節烈故事氏輒欣然自負撫
三子俱成立咸謂一門雙節

易聖登妻關氏年二十七夫亡遺子二人氏九歲失怙
恃舅姑迎至家深得舅姑歡及夫亡矢志苦守撫子
成立

張琬妻鍾氏年二十二夫亡無子矢志守節

鍾光煥妻徐氏年二十二夫亡立從子爲嗣苦節四十
年

陳士佑妻周氏年二十一夫亡子甫七月氏矢志撫孤
藉紡績以餬口

舒必貴妻戴氏年二十八夫亡撫子成立歷二十三年
李荀氏年二十一夫亡無子舅姑爲之立嗣以終孝養
王正宗妻劉氏年十九夫亡遺腹生子灌園績布奉養
公姑備極艱辛

李宏道妻覃氏年二十三夫亡撫養幼孤流離轉徙備
歷艱苦

鄭爲奇妻蘇氏年二十二夫亡無子矢志不嫁灌園以
奉舅姑壽七十卒

蔣益惇妻索氏年二十九夫亡夫患風痺氏慇懃越十
年未嘗稍懈及卒氏事舅姑無不盡禮壽六十九卒
陳上謨妻王氏年二十八夫亡遺腹生子氏辛勤力作
誓死不二奉公姑極孝撫孤子慈嚴兼濟四十年如
一日

湯建中妻索氏年二十八夫亡子甫三月氏矢志守義
翁衰老艱於飲食氏爲糜粥以進每奉湯藥必親嘗
儀節多暗與古合

張廣有妻王氏年二十二夫亡無子氏矢志苦守

王希貴妻張氏年二十一夫亡無子氏誓死堅守

高山瑛妻張氏年十九夫亡撫子既娶卒僅存一孫

王夢熊妻陳氏年三十夫亡生一子妾張氏年二十三

同心守志教子成名

廖大訓妻陳氏年二十四夫亡一子復歿奉事公姑孝

養維謹年六十一卒

雷開秀妻邵氏年三十夫亡無子矢志苦守

王昇妻張氏年二十四夫亡無子家貧紡績奉養公姑

沒竭力營葬守節三十五年卒

嚴登榜妻劉氏年二十五夫亡遺子翁年七十餘氏子

立苦守以針黹供膳翁年八十四卒氏竭力營葬鄉

黨稱孝壽七十六年

監生周之璋妻萬氏年二十四夫亡無出舅姑年老氏

誓死苦守日紡績以供養

李德浦妻周氏年二十七夫亡無子舅姑年邁氏晝夜

針工以養膳越三年而舅亡姑病蠱氏按時進藥未

嘗稍誤姑沒營葬盡禮

聶光渭妻李氏年二十二夫亡無子氏矢志苦守立從子爲嗣

崔文表妻劉氏年二十七夫亡無子矢志完節年七十卒

監生陳鼇妻胡氏年二十九夫亡遺一子氏矢志守節善事繼姑年八十五終

王開景妻羅氏年二十七夫亡立從子爲嗣年五十終王璐妻楊氏年二十八夫亡無子孝舅姑克盡婦道

王瑣妻張氏年二十六夫亡無子撫諸姪子成立胡之華妻鄭氏年二十五夫亡撫育孤子貧苦自守

王言芝妻熊氏年二十八夫亡守節撫子年八十八終王瓊妻孔氏年二十二夫亡遺腹生子子立苦守

江陵縣志卷之三十七

人物十二

列女節孝

樊士洪妻李氏年二十四夫亡子甫月餘矢志苦守

郝廷謨妻胡氏年二十二夫亡赤貧族無可立者乃以

兄子繼

徐文光妻潘氏年二十三夫亡撫從子爲嗣

沈絃妻皮氏年二十五夫亡一子旋夭撫從子爲嗣苦

節四十五年卒

江陰縣志 卷之三十一
熊楚材妻陶氏年二十四夫亡遺腹生子蓬廬中磨腐
紡績營甘以養舅姑

程德堯妻張氏年二十三夫亡節守立從子爲嗣壽九十餘

劉作樑妻吳氏年二十一夫亡無嗣可立矢志不移

孫士朝妻黃氏年二十一夫亡遺腹生子矢志苦守事
舅姑以孝聞

張文會妻袁氏年二十七夫亡家貧子幼舅姑老矣勤
女工以爲養舊姑卒喪葬如禮子亦成立

向文錦妻陳氏年二十六夫亡遺腹生子立志堅守

吳重順妻羅氏年二十八夫亡子幼翁姑俱逝子復天
折苦守四十四年

嚴開道妻雷氏年二十五夫亡子三歲撫育成立

陳萬匯妻張氏年二十七夫亡撫姪爲子躬勤紡績忍
飢寒以事孀姑

雷萬則妻楊氏年二十三夫亡無子苦節三十五載卒

雷敬德妻秦氏年二十五夫亡撫子成立孝事翁姑壽
七十卒

楊懋賞妻陳氏年二十四夫亡撫子苦守

袁敍鵬妻陳氏年二十八夫亡撫子苦守壽六十三卒

監生陳言志妻侯氏年二十二夫亡無子立從子爲嗣

守節四十五年

張全正妻章氏年二十五夫亡紡績事姑撫子成立苦

節三十年卒

鄭永吉妻吳氏年二十三夫亡無嗣可立氏誓志苦守

李宜達妻陳氏年二十五夫亡撫子成立越二十五載

子媳俱天遺一孫復天撫姪爲嗣艱辛教育

李嗣綱妻崔氏年二十六夫亡子甫二歲氏事孀姑以

孝聞訓子成立卒年五十八

監生汪之璽妻孫氏年二十一夫亡無子公姑年老奉

事維謹壽七十八卒

柳際銘妻張氏年二十四夫亡撫育昌德爲嗣入郡庠

生員張樸妻石氏年二十三夫亡孝養公姑教子炳元

入邑庠氏壽近七十卒

樊洪妻劉氏年二十夫亡躬勤紡績教子成立苦節以

終

葛銑妻張氏年二十五夫亡撫姪爲嗣生孫嗣子復歿
守節五十二年卒

鄭鶴潔妻劉氏年二十四夫亡守節孝事翁姑立從子
兆麟爲嗣撫之成立卒年五十三歲

薛心惟妻張氏年二十二夫亡無子苦節二十九年

吳允燕妻王氏年二十一夫亡力貧矢志以鍼縷自給
孫錦妻李氏年十七于歸生一子二十一夫亡公姑俱
存氏竭力奉養以節孝聞

李宗恆妻賀氏年二十夫亡無子苦志守節以終

生員周文煌妻李氏文煌弟生員祖熊妻某氏二人皆
無嗣同居守志苦節堅貞

周文熙妻譚氏年二十五夫亡守節長媳聶氏亦早寡
與之同守

姜應兆妻高氏年二十六夫亡矢志守節

李士珍妻涂氏年二十四夫亡苦節不渝

何長泰妻蕭氏年二十四夫亡守節四十年

左逢春妻隗氏年二十六夫亡無子矢志苦守

顏方任妻伍氏年二十三夫亡孀姑性嚴伍委曲承順

卒得歡心守節三十餘年

王文炳妻孫氏幼穎異諸經略皆成誦年二十四夫死遺腹生子均孫茹苦撫育伯氏欲奪其志截髮自矢後均娶婦生子而天氏又撫孫焉壽八十餘卒

王士景妻陳氏年二十五夫亡家貧子幼無近親可依孑然忍飢凍撫子成立

杜德潤妻胡氏年二十五夫亡遺一子姑年六十餘氏矢志守節以鍼膏供膳無缺姑病氏晝夜扶持衣不解帶百餘日始愈及卒竭力營葬鄉黨稱孝守節三十一年

李世琳妻雷氏年二十二夫亡遺一子翁年七十氏以紡績孝養惟謹人咸稱之沒後極力辦喪亦無失禮守節二十九年

黃昌政妻張氏年二十一守貞奉孀姑孝養備至姑病篤割股作羹以進

黃昌案妻鄭氏年二十四夫亡子女俱幼孝養舅姑茹苦含辛無異志撫子成立卒壽八十三

黃光楹妻鄒氏年二十一夫亡無子因逼嫁鳴公給照

守節封髮誓無二志立姪承祀教讀成立苦節五十年

鄭步瀛妻黃氏適鄭越二載夫歿矢志守節上有祖姑下遺弱女姑老叔幼氏奉事撫育備極艱辛母家屢欲奪志不從兩姑養葬皆盡禮壻馮光烈年未三十歿亡遺一子母女相依孤孀伶仃歷五十餘年

陳宏道妻杜氏宏道病篤氏割股得痊夫承祀叔父年三十歿嗣姑病危復割股獲安節孝並著鄉里稱之黃義復妻樂氏年二十六而寡勤紡績以奉孀姑撫子成立年四十五卒

陳正言妻彭氏年二十三夫亡柏舟自矢事舅姑維謹撫子女成立壽六十三卒

饒文英妻李氏年二十三孀守一子紡績度日孝事公姑

王純妻王氏年二十九夫沒撫子年崇成立娶媳陳氏年二十八而崇亦夭氏與媳操持勤儉撫孫蔚馨得入武庠

胡啓芳妻彭氏年二十八夫故僅一女赤貧自守艱苦

備嘗

彭元善妻王氏年二十七夫亡後十餘年撫夫季弟子
爲嗣

彭元玉妻李氏年二十六亦寡僅一子松筠共勵孝養
無媿

彭挺妻王氏年二十七而寡子幼守節不渝紡績以事
翁姑撫子成立壽八十一卒

胡治元妻戴氏年二十三而寡撫子成立
黃藻妻沈氏年二十二守義撫二子成立

監生饒士瑛妻趙氏早孀乏嗣撫姪承祧守節五十年

孟士彬妻鄧氏年二十八夫亡撫嗣守節歷三十三年
方士恪妻黃氏年二十八夫亡無嗣苦守

嚴克彬妻方氏年二十四夫亡無嗣苦守

鄧之瓔妻張氏年二十六夫亡閱三月遺腹子生氏辛
苦撫育守節三十二年卒

張超譜妻陳氏年二十三夫亡家貧苦守撫姪爲嗣

陳駐鰲妻李氏年二十五而寡撫育子成立苦節三十
年

齊作孺妻熊氏年二十四夫亡力勤操作撫二子成立
張超庸妻歐陽氏年二十四夫亡戊戌歲歉食糠度日
苦守不渝壽六十卒

王濂妻戴氏年二十四而寡撫育孤子孝事雙親不數
年而子天隻身苦守歷四十一載

彭柑妻戴氏年二十六夫亡家貧守節遺二子仰事俯
畜備歷艱苦

金誥妻韓氏于歸數載生子仁智誥服賈於外旋沒氏
清操自持紡績撫育及仁智成立傭作以養克承歡
心氏晚年多病仁智祇奉湯藥靡有怠志人以爲守

節之報云

李信春妻彭氏年二十九夫亡撫育二子善事公姑苦
守二十二載

熊士榮妻朱氏年二十七夫亡無子撫姪爲嗣壽八十
三卒

鄔宏昌妻嚴氏年二十八而寡躬勤紡績孝事翁姑撫
二子成立

湯祖仁妻余氏年二十四夫亡奉翁姑孝謹撫子成立

湯祖智妻張氏年二十八守節撫子成立

侯光榜妻黃氏年十九而寡孝養病翁善事繼姑撫幼

子成立

謝肇貴妻燕氏年二十五夫亡僅一女撫姪為嗣紡績

以奉尊章

侯祚慧妻王氏年二十六守節孝養翁姑撫姪為嗣俾

克成立

侯光瑤妻黃氏年二十四夫亡撫姪承祧

徐之輝妻吳氏年二十二而寡子甫五月家貧誓守事

盲姑養葬盡禮備歷艱辛苦節五十餘載

州同陳志深妻胡氏年二十九守節孝事孀姑辛勤鞠

子次子楚蕙亡媳嚴氏年二十五亦勵志冰操撫孤

成立

張士璧妻劉氏年二十一而寡家貧苦守克盡婦道撫

孤成立歷二十六載

蕭遠芳妻白氏年二十五夫亡誓志冰霜撫二子成立

李嗣善妻白氏年二十四守節撫子成立事翁與繼姑

以孝聞

蔣必鄰妻黃氏年二十八守義撫姪承祧事姑婉順

師錦妻侯氏年二十守節灌園以奉公姑撫子完娶年
餘而歿媳唐氏亦勵志冰霜撫孤成立

馮耀祖妻楊氏年二十七夫亡遺二子家貧事翁姑養
葬如禮兩遭火變艱苦備嘗卒壽六十三

生員胡瑞元妻謝氏年二十七守義事姑孝謹撫三子
皆成名

李衡山妻張氏年二十一夫病比鄰火張無措誓與俱
焚忽風轉得全夫卒僅一女矢志苦守曲盡孝養閱
十五年季叔生子撫爲嗣守節三十八載

丈孔傳妻張氏年二十三僅一女夫貿易至郝穴舟覆
張求屍不得沿江號呼十一日屍忽逆流而上乃昇
而葬之翁姑皆中壽無嗣可繼張勸翁鬻薄田四畝
納妾資不足族叔虞傳助之翁得舉子及辭世氏持
叔哭盡哀庶姑李感之爲不嫁張後以叔之子爲嗣
守節四十餘年

蔣必斌妻何氏年二十一夫亡僅一女撫姪爲嗣曲盡
教養卒壽六十

李宗浴妻張氏年二十生子女各一二十二夫卒於火
越七年而子殤無嗣可繼依孤姪營度守節三十一
載

黃義立妻劉氏年二十八守節晝夜紡績撫育遺孤積
勞成痺卒年五十八

孫世琪妻陶氏年二十一夫亡子三齡勤苦安貧曲盡
孝道公姑相繼逝夫弟世瑚憫其孤寡勸移同居撫
子成立得二孫而子復歿與媳楊氏撫育二孫心力
之瘁較前更倍

黃承尹妻朱氏年二十二夫卒遺二子冰霜自矢晝備
工夜紡績忍飢茹蔬撫子成立苦節三十餘年

王文巍妻楊氏年二十一夫亡鍼縷自給奉孀姑守獨
子克成夫志苦節歷三十載

張方盛妻蔣氏年二十一生子女各一夫亡力任操作
後子歿以姪爲嗣甫生孫而嗣子復喪氏與媳宋氏
撫幼孫艱苦備嘗守節三十三載

宋盛希妻廖氏年十九夫卒矢志不渝仰事俯畜不憚
艱辛守節五十七年卒

黃義權妻陳氏年二十七守節曲盡孝義撫子成立歷三十五載

鄆啓敬妻王氏年二十七夫逝守義孝養撫畜各盡其職卒年六十一

胡永濟妻戴氏年十八夫亡遺腹一子冰清自勵家貧奉親曲盡孝養守節三十三年卒

樊斌緒妻李氏年二十七夫故家貧安貞不渝事翁姑撫子息茹檠飲冰者五十載

黃義興妻程氏年二十八夫亡貞操自慎言笑不苟忍飢茹蔬撫育遺孤教養兼至歷三十餘年

黃義敬妻劉氏年二十六夫罹火災死遺白髮黃口氏惇惇一身爲之楷柱俯仰稱職

侯光進妻胡氏年二十三夫逝赤貧守節越二十年子婦俱亡胡義命是安紡績以終其身

程道溥妻張氏年二十六夫死於火張傷之矢志守孤躬紡績以畢婚嫁

王言俊妻李氏年二十七夫卒遺二子誓死守節閨範嚴肅歷二十九載

貢生黃禮祖妻葉氏年二十一守節依伯氏以活不出
一戶庭者三十餘年

陳宏璧妻李氏年二十七夫卒以姪爲嗣勤苦紡績守
節三十餘載

彭盛武妻王氏彭佑國妻李氏王氏素孝尊章年二十
二盛武卒而佑國始生及佑國卒李氏復以遺腹生
子婦姑同節焉

熊美輪妻李氏年二十四守義仰事俯畜各稱其職苦
節三十餘年

李載道妻陳氏年二十三守節孝養翁姑撫育一子勤
儉自給以終

席正榜妻朱氏年二十六夫卒守節紡績自勤艱苦備
至其子賴以成立

李枝耀妻周氏子府庠生昌元妻周氏邑庠生如相妻
巖氏婦姑三人皆青年守志白首完貞

王槐妻蕭氏年二十七夫亡無子紡績不憚寒苦族人
憐之爲立嗣壽六十一終

劉昌柱妻張氏年二十守節以姪爲嗣撫育成立娶媳

康氏得一孫不數年父子繼歿康感姑冰清之苦亦
矢志不渝復立同宗子爲嗣孫

朱鍾妻李氏鍾素多病氏于歸卽苦身努力克成家業
年二十二夫亡僅撫一女族人素多覬覦夫卒時囑
氏僅守遺女氏泣曰奈何念小忿絕宗祀因序立從
堂姪苦節二十六載

監生陳志醇妻黃氏年二十五夫卒撫姪爲嗣苦節四
十年事翁姑以孝聞

彭瑄妻熊氏年二十五夫亡克勤克儉撫育二子守節
三十餘年

黃藩妻陳氏年二十六夫亡子甫襁褓辛勤撫育老益
操作

熊文星妻王氏年二十八守節依夫兄嫂撫育仲子紡
績自勤步不輕履閩外晚景愈力

監生王師惇妻李氏年二十六夫逝艱苦自矢撫子成
立守節四十五年卒

洪至鎬妻黃氏年二十二生二子所天倏殞孝事翁姑
苦節四十年

王師範妻高氏年二十子生甫六月夫亡誓志撫孤娶

媳邛氏年二十三生孫二而子旋卒邛與姑松操共

勵孝養倍篤高年七十一邛年五十

王年遂妻嚴氏年二十二夫亡子幼安貞不渝紡績度

日娶媳馬氏生子一而子歿姑媳同守艱苦備嘗

魏涪棟妻趙氏年二十四守節奉姑撫子紡績自給閨

範嚴肅非子姪罕見其面

鄧紹漢妻趙氏年二十二夫病湯藥維艱氏為鄰壓線

日獲錢以給數月夫亡遺腹一子紡績撫育天寒十

指常凍裂苦節三十一載卒

嚴先正妻歐陽氏年二十四守節孝養備至閱六年姑

卒身無所倚回依母家紡績自度歷三十餘年

黎維謹妻饒氏年二十五夫亡松操自勵躬勤紡績以

撫孤子苦節三十餘年

敖郢芳妻王氏年二十一夫亡奉姑撫子艱苦備嘗守

節三十餘年

戴惺文妻陳氏年二十三而寡躬勤紡績孝事翁姑撫

育二子以成夫志苦節三十餘載

楊正舉妻蔣氏年二十五夫卒僅一子柏舟自矢曲盡孝養撫子成立娶媳譚氏甫生女而子亡無嗣可繼氏與媳紡績自給苦守一女經四十餘年

齊國元妻蔣氏年二十八夫亡遺一子艱辛撫育甫完娶而天隻身苦守三十餘載

熊文貴妻王氏年二十四夫亡矢守孝事舅姑辛勤撫子卒壽六十一

陳正義妻頓氏年二十八守節善事舅姑勤組織無間寒暑撫二子成立以節終

朱承選妻李氏年二十七守節撫孤子辛勤自給苦勵五十餘年

黃國楨妻姚氏年二十五夫亡安貧撫子苦節三十年
劉三辰妻彭氏年二十二生一子夫亡赤貧守義恩勤鬻子歷二十九載

何士榮妻黃氏年二十四夫卒撫子家徒四壁誓志守節事姑撫子歷艱辛者三十餘年

洪維遠妻蕭氏年二十三守節僅遺一女赤貧如洗奉姑稱職辛苦三十餘年

萬國正妻賀氏年二十一夫亡鞠育孤子孝事庭幃後
翁姑染疫夢神語曰汝媳賀已焚香默禱矣宜免汝
殃遂痊守節四十年

萬應遵妻李氏年二十三夫亡孝事公姑教子有方苦
節三十二年

王系祖妻萬氏年十九夫亡辛苦撫子孝養公姑歷三
十餘年

朱真道妻李氏年二十三夫亡撫遺腹子矢志苦節

朱真伋妻戴氏年二十六夫歿家貧苦守訓子有方始
終不渝

朱真貴妻周氏年二十六夫亡矢志苦守教子成立

朱如選妻梁氏年二十八夫亡守義撫孤灌園藝蔬爲
生至老益力

劉運統妻朱氏年二十一而寡孝養公姑勤儉持家撫
姪成立

戴彩文妻王氏年二十五夫亡家貧無子依兄嫂苦守
以終

趙夢進妻張氏年二十三夫亡家貧子幼苦節自守孝

養兩世公姑後連舉四喪皆能畢其誠信

李文遠妻陳氏年二十夫亡上事舅姑下撫幼子艱苦備嘗子娶妻生子甫二歲子故氏又撫孫苦節四十四年

監生張光宇妻章氏年二十生子數月夫亡奉姑撫子艱苦不憚歷三十三載

張明遠妻劉氏年二十一夫亡子甫數月公姑俱老氏黽勉支持俯仰稱職苦節五十載

趙夢燻妻陳氏年二十三生一女夫亡撫姪爲嗣勤紡績以自給嚴理法以傳家守節四十三載

朱愈紳妻蕭氏年十九夫歿僅遺一女撫姪苦守事舅姑以孝聞

張元江妻孫氏年十九矢志田無立錐冰霜自勵撫育遺腹子奉老親孝養不衰

蔣必觀妻鄧氏年二十四夫逝苦守二子勤紡績以養尊章勵節四十二載

張家珍妻趙氏年二十夫亡僅遺一子針縷自度艱苦備嘗閻範嚴肅苦節四十六載

李敦瑚妻徐氏年二十六夫亡家徒四壁撫孤成立

聶鵬妻吳氏年二十四夫亡守義奉姑撫幼不憚艱辛

卒壽七十一

生員嚴克諧妻張氏年二十四夫亡家貧誓守撫子成

名苦節四十六年

陳楚望妻張氏年二十七而寡家貧姑老子甫三月矢

志守節姑患風痺氏躬績孝養早夜扶持者二十餘

載

生員陳宗炯妻歐陽氏年二十四夫亡家貧乏嗣紡績

孝養及當大事百計經營期於盡禮族人憐之爲立

後逮完婚後子婦早逝仍梵獨以終

劉陽熊妻朱氏年二十一夫以苦學死朱斷髮自誓孝

事翁姑撫從子承祧苦節三十年

葉弈安妻喻氏年二十三夫亡撫二子備嘗艱辛

李相妻葉氏年二十三夫亡撫育孤子苦節二十七載

熊杰妻蔣氏年二十三夫亡無嗣誓志苦節事翁姑最

孝越數年叔生子撫爲嗣

葉弈蘭妻李氏年二十五夫亡遺二女貧甚苦節四十

七載卒

州同鮑紹宣妻胡氏布政司理問鮑兆麟妻李氏二婦同堂妯娌也俱以孝聞後皆早寡矢志守節李嘗割股療夫焉

劉德越妻徐氏年二十五夫亡家貧撫姪為嗣日勤紡績始終不渝

陳文煥妻毛氏年二十四夫亡遺二子二子婚後各生子矣已而子婦皆歿惟餘二孫氏以病軀撫字之卒延其宗

竺延徽妻黃氏年二十三守節撫姪為嗣依夫弟紡績自給閨範嚴肅閭里欽之

劉必聘妻王氏年二十四夫亡無嗣依夫姪苦守姪生子立為嗣孫卒壽六十三

陳士明妻徐氏年二十六守節撫子成立孝養公姑苦節四十餘年

王以暄妻宋氏年二十而寡撫姪承祧孝事舅姑家故儒素夫兄庠生國佐沒宋恐無繼起乃勉羣從及子姪以學先後皆列庠序叔庠生乘龍沒復為撫其孤

子

戴宜智妻黃氏年二十七夫故家貧無嗣撫育三女
守三十七載

易佑善妻李氏年十八而寡遺女甫數月撫姪爲嗣茹
檠含辛言笑不苟歷二十二載卒

張士堯妻黃氏年二十七夫亡柏舟誓志孝事翁姑艱
辛撫子

張士清妻鄧氏年二十五夫亡誓不二天撫孤成立壽
七十五終

監生巖開理妻程氏年二十夫亡遺一女撫姪爲嗣中
遭家難艱苦備嘗年四十一卒

彭榮妻李氏年二十七守節善事舅姑撫孤成立歷三
十三年如一日

彭楹妻黃氏年二十八夫亡家貧苦守撫姪爲嗣事姑
孝謹年五十六卒

鄧希灝妻彭氏年二十五夫亡撫子成立事姑婉順守
節三十餘年卒

蔣貴新妻劉氏年二十七夫亡子幼矢志金石持家勤

儉事翁姑惟謹壽七十一卒

段宗聖妻趙氏年二十二夫亡守節紡績自給孝養公姑撫子成立

雷鳴盛妻蔡氏年十八夫亡誓守孝事翁姑義勸嗣子攀鳳成名族里賢之

雷鳴瑤妻李氏少受經史知禮達義年十六夫以疾婚旋歿撫嗣子攀桂訓迪成名守節三十一年卒

齊國望妻李氏年二十六夫亡守節三十一年

黃義矩妻齊氏年二十六夫亡撫嗣成立守節四十年卒

張世緒妻馮氏于歸七月而寡撫遺腹女守節三十四年

張世瑾妻鄭氏年二十四夫亡生一子家貧苦節

李旨遠妻禰氏年十九夫亡遺腹生子饘粥不具氏矢志守節奉姑育子紡績達旦歷三十八年

楊上才妻王氏子士毅妻甯氏王年二十三夫亡撫子士毅成立娶甯氏年十九士毅亡遺腹生孫氏偕媳守貞艱苦備嘗

田月瑞妻馬氏年二十三夫故氏水漿不入口者五日
矢志苦守孝養公姑撫孤成立壽七十卒

左逢盛妻鄭氏年二十一而寡遺一女誓志冰霜以鍼
黹自給年四十四卒

吳學永妻王氏年二十六夫歿遺一子赤貧無倚紡績
自給子復歿茹荼飲血守節三十四年

金華妻汪氏年二十九夫亡子女俱幼勤女紅以奉姑
撫子成立苦節四十四載

姚錫關妻張氏年二十五夫故忍飢寒勤紡績撫子婚
娶數歲子媳俱亡老病撫孫窮苦莫甚

崔上珩妻楊氏年二十四夫亡家貧撫子課讀不倦苦
節三十年

沈映奎妻關氏生二子俱夭妾李氏一子夫亡氏守義
撫妾子生孫復相繼亡孤苦勤勞壽六十八卒

熊國華妻楊氏年二十五夫亡遺一子孝養翁姑教子
正元成歲貢生守節四十年卒

生員萬民泰妻程氏年二十七夫亡遺子四歲刻志苦
守磨腐度日力養翁姑教子成立

周文言妻全氏年二十六夫亡遺子二紡績不憚撫子
成立年五十九卒

涂清元妻王氏年二十七夫亡鞠育孤子既婚而天復
立嗣撫之

王大萃妻沈氏年二十四夫亡遺一子翁姑年邁氏紡
紉無閒寒暑養葬盡禮撫子成立守節三十六年

胡榮妻魯氏年二十六夫亡柏舟矢志孝養公姑以壽
終

郭梅妻陳氏年二十一夫亡撫遺腹女孤苦守貞勤女
工以奉公姑克盡婦職

沈縉妻孫氏年二十四守節孝養孀姑撫孤受室後子
亡復撫孫成立經四十八載

楊宗聖妻熊氏年二十六夫亡遺兩女一子翁姑年老
氏熒熒子立紡績供養撫孤成立

生員劉瀛妾游氏年二十家長亡越三月生子紡績撫
孤俾克成立苦節二十六年

余徐氏年二十三夫亡守節奉姑撫嬰嬰歿撫嗣矢死
不渝

江陰縣志 卷之三十一
方開聖妻龔氏年二十五生一子而寡奉公姑撫弱息
食貧茹苦守節三十餘年

監生侯延恪妻劉氏年二十五夫忘守節撫孤事翁姑
孝謹歷三十餘年

張以珍妻皮氏年二十七夫歿無子矢志柏舟孝養椿
萱紡績自給苦節四十三載

李國桂妻王氏年二十七夫歿奉姑撫息茶苦六十一
年

魏文德妻王氏年二十二而寡奉姑撫子苦節三十餘
年

文煊妻熊氏年二十二夫亡奉嫜撫息苦節三十餘年
歐陽文選妻雷氏年二十一守節奉姑孝謹撫子成家

歷三十餘年
隗若書妻朱氏年二十八而寡事孀姑撫弱息備歷艱

辛
蔣學周妻熊氏年二十二夫亡撫嗣奉嫜守節不渝歷

三十四年
徐占梅妻黃氏年二十四夫歿鞠子奉親苦節三十八

載

吳金聲妻周氏年二十夫亡勵志冰操六世同爨總持
家政苦歷四十七載

余銳妻趙氏年二十夫故僅遺一女矢志守節得翁姑
歡乾隆戊申六月母病歸甯城潰母女俱斃里人哀
之

歐陽文集妻蔣氏年二十三夫亡孝奉翁姑教育子姪
守節三十三年

鄭成瀚妻劉氏年二十四夫歿孝翁姑撫弱息娶媳張
氏舉二孫而子亡矢志共守課孫益堅

州同王佑妻孫氏年二十三夫亡僅一女守義行孝後
八年夫弟偉生子立爲嗣辛勤撫育督課有方年五
十四卒

陳規舜妻蔡氏年二十九生二子夫亡紡績自給撫課
備至長子鶴遠中乾隆丙午鄉試苦節三十年卒
甯起琥妻劉氏年二十六守節撫二子成立卒壽七十
四

王步清妻張氏年二十六夫亡誓守撫孤成立苦節三

十四年

劉興邦妻李氏年二十六守節孝事翁姑訓子致和列

武庠苦歷三十六年

劉玉廉妻葉氏年二十八夫亡子復歿立嗣承繼堂上

膝下孝慈備至守節二十六年

伍文榜妻姜氏年二十一夫故奉親撫子孝慈永篤苦

節四十七年

甘文選妻陳氏年二十一而寡事公姑撫嗣子操作辛

勤守節四十九年

生員左鴻緯妻鄭氏年二十夫亡嚴課幼子紡績達旦

守節三十一載

監生余士楷妻田氏年二十二而寡無息公姑年皆耄

耄矢志孝養翁立姪為嗣娶陳氏生一子撫為己兒

陳亦寡相依無閒訓誨孤兒以至成人

毛嘉誼妻王氏年二十三甫生子而夫亡翁抑鬱以瘋

疾死姑亦殞禮殯三棺心力俱瘁攜子依舅氏俾克

成立壽七十三歲

漆雕上俊妻丁氏年二十七而寡孝孀姑鞠兩雛矢志

不淪子皆成立

楊年盛妻胡氏年二十四夫亡無息翁姑老病夫弟髫齡事上撫叔族里義之守節三十年

伍名泗妻陳氏年二十而寡遺腹子七歲歿值荒年翁姑繼亡殫力殯葬後爲兩叔延師授室拮据任勞苦節三十一年

顏方珂妻龔氏年二十三夫亡苦守姑老子幼俯仰咸周雖值歲歉誓死不淪守節二十五年卒

郭秉韓側室吳氏年二十六夫亡無出矢志苦守孝奉

家長父母嫡張氏早逝遺子女各一視若親生俾克成立守節二十七載

夏源妻鄭氏年十九夫亡撫姪爲嗣孝奉公姑教育嗣子習射俾列膠庠苦節五十一年

張大位妻胡氏稍知書史年二十二夫亡苦守十八年以節終

羅文曜妻方氏弟文暉妻胡氏方年二十二夫亡遺二子胡年十八夫亡無子以文曜次子承祧二氏矢志歷久不淪

朱遂妻王氏年二十六夫亡遺二稚齧指誓守孝養孀姑撫子成立老猶紡績寒暑無閒卒壽九十六

徐政遠妻熊氏子相廷妻熊氏孫宗陶妻胡氏熊年二十一守節五十二卒子相廷娶熊氏年二十六生子宗陶而寡苦節二十七歲卒宗陶亡妻胡氏年二十二柏舟自矢母氏欲奪其志遂投繯而死一門三節進士余芳立傳紀之

生員齊鴻修妻張氏年二十六夫亡矢志守節撫子成立經四十二年

王志道妻張氏年二十二夫亡矢志撫孤後子歿姑亡翁染瘋疾臥牀數年扶持罔懈

魏國海妻張氏年二十四而寡遺一子備歷艱辛者三十八載

余廷業妻張氏年二十七而寡守節二十八年

余廷堅妻趙氏年十九生一子而夫亡守節三十五年黃至善妻曹氏子錦妻張氏曹年二十九守節壽九十

三張年三十孝事孀姑撫子成立苦節五十一載卒萬應遇妻熊氏年二十二而寡無子撫姪爲嗣得尊章

心勵節三十六年

詹起聖妻孫氏夫亡無子家寒操作孝事慈幃苦節三十二年

魏文璉妾湯氏年十八而寡遺子女二嫡亦繼亡盡哀盡禮以養以教苦節三十四年

張承泰妻孫氏生員張承義妻孫氏姊妹而娣姒娣年二十五而寡子歿無嗣姒年二十五亦寡遺腹生子赤貧共守孝親撫孤族黨稱之

監生關廷光妻張氏生二子夫亡守節一十五載卒

崔錦妻胡氏年二十九守節教育嗣子勵節二十餘載生員張珽妻李氏年二十二夫卒遺一子茹荼二十八
年矢志不渝

熊學普妻陶氏學禹妻周氏陶生二子年二十三而寡周生一子亦寡二氏孝翁姑撫孤兒一門雙節陶子廷颺周子廷元俱入城均

余文明妻馮氏年二十夫亡矢志守節善事翁姑歷三十八年

李鵬妻項氏年二十八夫歿赤貧勵志教養孤雛時論

賢之

徐志行妻楊氏年二十二夫亡矢志冰操始終不渝

張首玉妻吳氏年十九夫亡子生數月孝事姑與祖姑

遭一水三火百計經營撫孤成立苦節四十餘年

喻鎮妻鄧氏年二十三夫故家無餘貲孝姑鞠子夫弟

沒氏代撫其子成立族黨賢之

黃學炳妻詹氏年十九而寡無子夫兩弟俱稚氏撫之

至長完婚生子乃立爲嗣視若己出苦節四十餘年

錢上賓妻張氏年二十四夫亡閉戶自守有勸以改志

者氏泣曰吾夫光祿裔孫忠臣後也奈何以此言相

辱由是守愈堅經三十三載

劉永朝妻齊氏年二十六而寡撫姪爲嗣事翁姑以孝

聞守節四十一載

劉仁爵妻文氏年二十夫亡家貧苦守奉親撫嗣夫兄

某自蜀歸憫其孤苦買田四畝給之

姚一貴妻張氏年二十七而寡撫二子成立得翁姑歡

守節四十一載

陳文級妻沈氏年二十二夫亡子甫數月志矢柏舟事

江陰縣志 卷之三十一
翁姑曲盡孝養守節二十一年卒

熊文祖繼妻賈氏年二十六守節撫前妻子成立無異
所生事翁姑克盡婦道

蕭紹祖妻覃氏年十八生一子夫亡矢志守義孝奉翁
姑始終不渝歷三十餘年

王士震妻文氏年十八守節撫孤完娶而子媳俱殞氏
撫孫勤苦至死不渝

生員李青瑞妻陳氏年二十四夫亡遺一子亦歿撫姪
爲嗣紡績勤苦經二十七年

胡懋詮妻劉氏年二十夫亡赤貧守節奉姑稱職苦節
三十一載

陳應德妻黃氏年十九而寡冰霜自勵苦節三十載

王之綬妻蘇氏年二十一綬亡無出公姑憐其孤苦卒
難奪志十年從伯始舉一子氏立爲嗣撫育完婚乾
隆戊申水漬氏令子媳先避去獨抱神主溺死時年

五十一

胡志任妻金氏志伸妻鄭氏志恪妻朱氏金鄭年二十
而寡朱年二十一亦寡孝奉公姑各撫嗣成立一門

三節族里賢之

雷盛熾妻王氏年二十生一子夫以採桃墜死家窘父母欲奪其志不從終其身不食桃李人亦爲之不植壽七十八卒

汪正華妻周氏年二十二而寡遺子數月誓志撫孤從堂翁慎五憐之爲其子娶嚴氏子亡又爲立嗣給以田廬焉

汪正元妻楊氏年二十八夫亡無出撫姪爲嗣復歿矢志苦守享壽七十五

王秉璋妻黃氏年十九夫亡遺一女矢志守節與姑黃氏撫幼叔成立守節三十餘年

雷擴鼇妻曾氏年二十八喪夫後二子俱夭立姪爲嗣辛勤操持氏母亦乏嗣無依延至家養葬盡禮守節五十年卒

王言欽妻李氏年二十四夫亡矢志撫孤苦守三十一年

徐天瑞妻曾氏年二十五夫亡撫子成立守節二十八年

華朗妻魏氏年二十七守節翁姑早逝二子尙幼家貧
紡績撫子成立卒壽七十四

楊啓廷妻湯氏年二十一夫亡撫遺腹子苦節三十七
年

鄒宗新妻雷氏年二十五夫故舅姑及夫弟與弟婦繼
亡家益窘氏撫二子一姪俱克有成苦節二十五年

王洲儒妻張氏年二十二夫亡子甫七月辛勤撫育歷
二十九年

劉傳薪妻姚氏年十九薪歿子甫八月鞠育成成立苦節

三十一年

張允淵妻徐氏年二十夫亡姪嗣屢值年飢備嘗艱辛
嗣子賴以成立苦節二十八年終

陸其瑾妻王氏年二十七瑾卒家貧守節孝事舅姑訓
子文煥名列膠庠

沈朝元妻王氏年二十四夫卒姑亦隨逝家貧子幼一
切葬具皆氏經營苦節三十年

劉瓊妻李氏年二十夫故一子復歿撫嗣成立紡績勤
苦稍有餘皆以修治翁姑與夫墳塋

李廷梅繼室劉氏生一子甫月餘青年孀守孝事翁姑前妻子炤祿幼患惡瘡氏洗滌慇懃三載及長延師課讀炤祿喜購奇書氏恐家有閒言私典簪珥償之炤祿遂以雅學有聲膠庠士林服其識量

張珣妻孔氏年二十四夫歿親老子幼氏仰事俯畜備極周至火災水厄履險如夷

生員張光燦妻李氏年二十八燦亡守節以終

熊國用妻彭氏年二十七夫亡柏舟矢志孝事翁姑撫子成立苦節二十六年

劉源妻潘氏年十九夫亡奉事翁姑養葬盡禮撫育幼子成立年八十七卒

張以頊妻鄒氏年二十夫亡遺一子甫數月零丁孤苦撫育成立

顏光振妻徐氏年二十七夫亡無嗣而翁老矣徐急立堂姪爲後以慰翁志及嗣歿徐鞠育兩孫心力俱瘁謝正元妻鄒氏夫病劇刲股和藥以進夫沒奉翁姑撫孤兒凶飢不稍挫守節三十一年亡年五十六

熊余氏夫某傭耕營生攜家避水遂客死余奉姑攜兒

而返年甫二十有逼嫁之者余赴水獲免日爲人春
汲忍飢以遺姑會歲大荒姑死社祠旁後二日余與
子俱死其地去夫死時又二十年矣里人莫不哀之
徐戴堯妻陳氏年二十二夫亡子亦歿惟一叔在而姑
與祖姑俱老病陳內視寢膳外完婚娶克肩重任焉
田正官妻彭氏年二十三夫亡貧無所依乃挾二子往
母家殷勤督課雖薦飢不墜其志

彭志德妻黃氏年二十五夫亡僅遺二女家無半畝而
姑六旬矣乃日勤針黹以爲供養嘗被火急扶姑出
額手謝天餘皆弗顧後依壻終老

蕭一源妻章氏年二十六而寡以紡績供舅姑蕭氏世
爲胥吏章獨命其子改業壽七十卒

漆雕聖玉妾王氏年二十五而寡有挑之者王氏嚴辭
拒之由是門庭肅然其嫡悍甚每以力作苦之王氏
不怨也趨令益謹二子皆王氏出雖已娶婦猶僂身
自卑未嘗恃以抗嫡云

徐德脩妻劉氏年二十四而寡貧甚紡棉自給至老不
輟

顏方旭妻伍氏年二十八而寡一子僅三歲家徒壁立以紡績爲生子得成立

葉滋妻胡氏年二十一夫亡無出守節終其身

杜宗凱妻曹氏年二十八夫亡遺二子孝事尊章養葬盡禮督子教孫一以嚴正

鄒永茂妻楊氏年十九夫亡姑目盲齒盡氏躬耕以養沒時喪葬盡禮率子亦以義方至老不渝

生員程旭升妻雷氏年二十六夫亡苦節五十四載鄒鉉聖妻李氏年二十三夫亡無子時祖姑年邁姑復

孀氏孝養維謹沒亦盡哀

陳龍妻吳氏年二十六夫亡遺田數畝誓志苦守終身茹素撫子成立卒壽七十三

許廷傑妻易氏子世泰妻易氏孫螽培妻王氏易年三十夫亡撫子世泰成立壽九十四世泰亡婦易氏年二十七撫姪螽培爲嗣孝事孀姑年六十二終螽培亡孫媳王氏亦誓志守貞立從子承祧人稱一門三節

李光輝妻宋氏年二十五而寡家貧無子立姪爲嗣奉

公撫孤曲盡孝慈守節三十六載

聶宗盟妻李氏年二十二夫亡子甫數月撫育成立事尊章存歿盡禮後子孔清天氏立從孫爲子嗣零丁孤苦守節二十八載

曾永煥妻劉氏年二十四夫亡子幼舅姑早逝叔妹六人俱幼氏躬勤紡績教養備至苦節四十六載

才女余芳瑤潛江余廣文天山女也幼聰慧舉筆成吟長適本邑陳門生一女一子二十餘而寡矢志柏舟益博覽書史文藝子十齡亦歿清操愈烈精岐黃同

輩服之輒效所著詩文諸體略備不妄傳視外人姻戚後輩以詩質者氏亦不輕許可歿後手稿盈篋後沒於水僅收一二載藝文

陳宗仁妻王氏宗濂妻譚氏王年二十三夫亡生子二譚年二十一夫亡生子一姊姒矢志共守舅姑衰老孝養更爲純謹舅姑亡竭力典借爲具衾棺同撫三子成立

朱氏何厥明妻也夫失明姑老病氏傭工給養未嘗少虧歲歉得食忍飢遺姑後姑病篤割股兩次療焉年

逾六十老而無嗣閭里哀之

舒必貴妻戴氏年二十八夫亡撫子成立守節歷二十
年

姜正春妻魏氏年二十三守節撫孤受室得一孫而子
亦天與媳姚氏艱苦備嘗復撫孫成立


曾開源妻蕭氏年二十四夫亡家貧守志舅姑年老一
子復殤氏勤勞紡績供給菽水戚黨稱之

彭作棟妻陳氏年二十二守節奉孀姑撫二子備歷艱
辛

鄧作胡妻鄒氏年二十六守節孝養撫畜克稱其職歷
五十載

鄧作棠妻胡氏年二十二而寡勤力色養艱辛撫子歷
五十三載

蕭遠芳妻白氏年二十五夫亡誓志冰霜撫二子成立
以上舊志





江陰縣志

卷之三十七

